

家語

諸暨圖書館  
ZHUJI LIBRARY

乾隆己酉仲春鐫

魏東海王子雍註

孔子家語原註

正業堂藏板

00671



孔氏家語序

王肅撰

鄭氏學行五十載矣自肅成童始志于學而學鄭氏學矣然尋文責實考其上下義理不安違錯者多是以奪而易之然世未明其款情而謂其苟駁前師以見異于人乃慨然而歎曰豈好難哉予不得已也聖人之門方壅不通孔氏之路枳棘充焉豈

得不開而辟之哉若無由之者亦非子之  
罪也是以撰經禮申明其義及朝論制度  
皆據所見而言孔子二十二世孫有孔猛  
者家有其先人之書昔相從學頃還家方  
取已來與予所論有若重規疊矩昔仲尼  
曰文王既歿文不在茲乎天之將喪斯文  
也後死者不得與於斯文也天之未喪斯  
文匡人其如予何言天喪斯文故令已傳

斯文於天下今或者天未欲亂斯文故令  
從子學而予從猛得斯論以明相與孔氏  
之無違也所皆聖人實事之論而恐其將  
絕故特爲解以節好事之君子語云牢曰  
子云吾不試故藝談者不知爲誰多妄爲  
之說孔子家語弟子有琴張一名牢字子  
開亦字張衛人也宗魯死將往弔孔子止  
焉春秋外傳曰昔堯臨民以五說者曰堯

五載一巡狩五載一巡狩不得稱臨民以  
五經曰五載一巡狩此乃說舜之文非說  
堯孔子說論五帝各道其異事於舜云巡  
狩天下五載一始則堯之巡狩年數未明  
周十二歲一巡寧可言周臨民以十二乎  
孔子曰堯以土德王天下而色尚黃黃土  
德五土之數故曰臨民以五此其義也

後序

孔子家語者皆當時公卿士大夫及七十二弟子之所諮訪交相對問言語者既而諸弟子各自記其所問焉與論語孝經並時弟子取其正實而切事者別出爲論語其餘則都集錄名之曰孔子家語凡所論辨流判較歸實自夫子本旨也屬文下辭往往頗有浮說煩而不要者亦猶七十二子各共叙述首尾加之潤色其材或有優劣故使之然也孔子既沒而微言絕七十二弟子終而大義乖六國之世儒道分散遊說之士各以巧意而爲枝葉唯孟軻孫卿守其所習當秦昭王時孫卿入秦昭王從之問儒術孫卿以孔子之語及諸國事七十二弟子之言凡百餘篇與之由此秦悉有焉始皇之世李斯焚書而孔子家語

與諸子同列故不見滅高祖冠秦悉斂得之皆載於二尺竹簡  
 多有古文字及呂氏專漢取歸藏之其後被誅亡而孔子家語  
 乃散在人間好事亦各以意增損其言故使同是一事而輒異  
 辭孝景皇帝末年募求天下禮書于時士大夫皆送官得呂氏  
 之所傳孔子家語而與諸國事及七十二子辭妄相錯雜不可  
 得知以付掌書與曲禮衆篇亂簡合而藏之祕府元封之時吾  
 仕京師竊懼先人之典辭將道泯滅於是因諸公卿士大夫私  
 以人事寡求其副悉得之乃以事類相次撰集為四十四篇又  
 有曾子問禮一篇自別屬曾子問故不復錄其諸弟子書所稱  
 引孔子之言者本不存乎家語亦以其已自有所傳也是以皆  
 不取也將來君子不可不鑑

篇目

卷第一

相魯

王言解

儒行解

五儀解

卷第二

致思

好生

卷第三

觀周

始誅

大婚

問禮

三恕

弟子行

中國圖書  
ZHUJIAN LIBRARY

賢君

卷第四

六本

哀公問政

卷第五

顏回

在厄

困誓

卷第六

五帝

本命解

辯政

辯物

子路初見

入官

五帝德

執轡

論禮

卷第七

觀鄉

郊問

五行解

刑政

禮運

卷第八

冠頌解

廟制解

辯樂解

問玉

屈節解

卷第九

七十二弟子解

本姓解

終記解

正論解

卷之七

七

二

卷第十

曲禮子貢問

公西赤問

子貢問

諸暨圖書館 ZHUJI LIBRARY

孔氏家語卷一

王肅注

相魯第一

孔子初仕為中都宰

中都魯邑

制為養生送死之節長幼異食

如禮年十

五異強弱異任

任謂力作之事各從所任不用弱也

男女別塗路無拾遺器不彫

不彫

偽影畫無文為四寸之棺

五寸之槨

以水為槨

因丘陵為墳不封

土以起墳者也不樹行之一年而西方之諸侯則焉

魯國在東故西方諸侯皆

則焉

則定公謂孔子曰學子此法以治魯國何如孔子對曰雖天下

可乎何但魯國而已哉於是二年定公以為司空乃別五土之

性

五土之性一曰山林二曰川澤三曰丘陵四曰墳衍五曰原隰

而物各得其所生之宜

所生之物

各得咸得厥所先時季氏葬昭公于墓道之南

季平子逐昭公死于乾侯卒子

別而葬之貶之不合近先公也

孔子溝而合諸墓焉謂季桓子曰貶君以彰已

罪非禮也相子平子之今合之所以掩夫子之不臣由司空為大司

寇設法而不用無紆民定公與齊侯會于夾谷孔子攝相事曰

臣聞有文事者必有武備有武事者必有文備古者諸侯出疆

必具官以從請具左右司馬定公從之至會所為壇位土階三

等以遇禮相見會遇之禮禮之簡畧者也揖讓而登獻酢既畢齊使萊人以

兵鼓譟劫定公萊人齊人東夷孔子歷階而進以公退曰士以兵

之吾兩君為好裔夷之俘敢以兵亂之裔邊裔夷狄俘軍所獲虜也言此三者何敢

以兵亂兩君之好也非齊君所以命諸侯也裔不謀夏夷不亂華華夏中國之名

俘不干盟兵不偪好於神為不祥於德為愆義於人為失禮君

必不然齊侯心怍靡而避之有頃齊奏宮中之樂俳優儒戲

於前孔子趨進歷階而上不盡一筭曰疋夫熒侮諸侯者罪應

誅請右司馬速加刑焉於是斬侏儒手足異處齊侯懼有愆色

將盟齊人加載書曰齊師出境而不以兵車三百乘從我者有

如此盟孔子使茲無還對曰魯大也而不返我汶陽之田吾以供

命者亦如之齊侯將設享禮孔子以梁丘據曰齊魯之故吾子

何不聞焉梁丘據齊魯之故事事既成矣而又享之是勤執事且犧象

不出門作犧牛及象嘉樂不野合享而既具是棄禮若其不具

是用糝糝糝穀之不成者用糝柳君辱棄禮名惡子盍圖之夫

享所以昭德也不昭不如其已乃不果享齊侯歸責其羣臣曰

魯以君子道輔其君而子獨以夷狄道教寡人使得罪於是乃

歸所侵魯之四邑及汶陽之田四邑鄆護龜陰也殊孔子言於

定公曰家不藏甲卿大夫稱邑無百雉之城高丈長丈曰古之

山子家吾 卷一 一 汲古閣

制也今三家過制請皆損之乃使季氏宰仲由隳三都叔孫不  
 得意於季氏因費宰公山弗擾率費人以襲魯孔子以公與季  
 孫叔孫孟孫入于費氏之宮登武子之臺費人攻之及臺側孔  
 子命申句須樂傾勒士衆下伐之費人北遂隳三都之城彊公  
 室弱私家尊君界臣政化大行初魯之販羊有沈猶氏者常朝  
 飲其羊以詐市人有公慎氏者妻淫不制有慎潰氏奢侈踰法  
 魯之鬻六畜者飾之以儲價及孔子之為政也則沈猶氏不敢  
 朝飲其羊公慎氏出其妻慎潰氏越境而徙三月則鬻牛馬者  
 不儲價賣羔豚者不加飾男女行者別其塗道不拾遺男尚忠  
 信女尚貞順四方客至於邑者不求有司

有司當供其職客皆不求而有司存焉

如歸焉

言如歸家無所之也

始誅第二

孔子為魯司寇攝行相事。有喜色。仲由問曰：「由聞君子禍至不

懼，福至不喜。今夫子得位而喜，何也？」孔子曰：「然，有是言也。不曰

樂以貴下人乎？於是朝政七日而誅亂政大夫少正卯。戮之于

兩觀之下。兩觀，闕名。尸於朝三日。子貢進曰：「夫少正卯，魯之聞人。今

夫子為政而始誅之，或者為失乎？」孔子曰：「居。吾語汝以其故。天

下有大惡者五，而竊盜不與焉。一曰心逆而險，二曰行僻而堅，

三曰言偽而辯，四曰記醜而博，醜謂非義。五曰順非而澤。此五者有

一於人，則不免君子之誅。而少正卯皆兼有之。其居處足以撮

徒成黨，撮，聚。其談說足以飭衰榮眾。其彊禦足以返是獨立。此乃

人之奸雄，有不可以不除。夫殷湯誅尹譖，文王誅潘正，周公誅

管蔡太公誅華士土之為人虛偽以聚黨也而韓井謂華士咍而後食鑿井而飲信其如此而太公誅之豈

所以謂太公昔哉管仲誅付乙子產誅史何凡此七子皆異世而同誅

者以七子異世而同惡故不可赦也詩云憂心悄悄愠于羣小

小人成羣斯足憂矣孔子為魯大司寇有父子訟者夫子同往

執之宋也三月不別其父請止夫子赦之焉季孫聞之不悅曰

司寇欺余曩告余曰國家必先以孝余今戮一不孝以教民孝

不亦可乎而又赦何哉冉有以告孔子子喟然歎曰嗚呼上失

其道而殺其下非理也不教以孝而聽其獄是殺不辜三軍大

敗不可斬也獄狂不治不可刑也何者上教之不行罪不在民

故也夫慢令謹誅賊也徵斂無時暴也不試責成虐也政無此

三者然後刑可即也書云義刑義殺勿庸以即汝心惟曰未有

慎事言必教而後刑也

庸用也即就也刑殺皆當以義勿刑以就汝心之所安當謹自謂未有順事且

陳道德以服之以無刑殺而後為順是先教而後刑也

既陳道德以先服之而猶不可尚

賢以勸之又不可即廢之又不可而後以威憚之若是三年而

百姓正矣其有邪民不從化者然後待之以刑則民咸知罪矣

詩云天子是毗俾民不迷

毗輔也俾使也言師尹當明輔天子使民不迷

是以威厲而

不試刑錯而不用今世則不然亂其教繁其刑使民迷惑而陷

焉又從而制之故刑彌繁而盜不勝也夫三尺之限空車不能

登者何哉峻故也百仞之山重載陟焉何哉陵遲故也

陵遲猶波池也

今世俗之陵遲久矣雖有刑法民能勿踰乎

### 王言解第三

孔子閑居曾參侍孔子曰參乎今之君子惟士與大夫之言聞

也。至於君子之言者，希也。於乎！吾以王言之，其不出戶牖而化天下。曾子起下席而對曰：敢問何謂王者言？孔子不應。曾子曰：侍夫子之閑也，難對，是以敢問。孔子又不應。曾子肅然而懼，握衣而退，負席而立。有頃，孔子歎息，顧謂曾子曰：參，汝可語明王之道。與曾子曰：非敢以為足也，請因所聞而學焉。子曰：居吾語汝。夫道者，所以明德也。德者，所以尊道也。是以非德，道不尊，非道德不明。雖有國之良馬，不以其道服，乘之不可以取道。理雖有博地衆民，不以其道治之，不可以致霸王。是故昔者明王內修七教，外行三至。七教修，然後可以守；三至行，然後可以征。明王之道，其守也則必折衝千里之外，其征也則必還師在席之上。故曰：內修七教，而上不勞；外行三至，而財不費。此之謂明王。

之道也。曾子曰：不勞不費之謂明。王可得聞乎？孔子曰：昔者帝舜左禹而右皋陶，不下席而天下治。夫不中君之患也，令之不行，臣之罪也。乃十一而稅用民之力。

歲不過三日入山澤，以其時而無行。

譏市廛皆不收賦。

譏市廛也。譏，明也。

異服識異言，反市廛皆不賦，稅古之法也。此則生財之路而

明王節之何財之費乎？

曾子曰：敢問何謂七教？孔子曰：上敬老，則下益孝；上尊齒，則下

益悌；上樂施，則下益寬；上親賢，則下擇友；上好德，則下不隱；上

惡貧，則下恥爭；上廉讓，則下恥節。此之謂七教。七教者，治民之

本也。政教定，則本正矣。凡上者，民之表也。表正，則何物不正是

故。人君先立仁於己，然後大夫忠而士信，民敦而俗樸。樸，慤也。慤，愿貌。男

慤而女貞。六者教之至也。布諸天下，四方而不怨，納諸尋常之

道也。

室而不塞。等之以禮。立之以義。行之以順。則民之棄惡如湯之  
 灌雪焉。曾子曰。道則至矣。弟子不足以明之。孔子曰。參以為姑  
 止乎。又有焉。昔者明王之治民也。法必裂地以封之。分屬以理  
 之。然後賢民無所隱。暴民無所伏。使有司日省而時考之。進用  
 賢良。退貶不肖。則賢者悅而不肖者懼。哀鰥寡。養孤獨。恤貧窮。  
 誘孝悌。選才能。此七者。修則四海之內無刑民矣。上之親下也。  
 如手足之於腹心矣。下之親上也。如幼子之於慈母矣。上下相  
 親如此。故令則從。施則行。民懷其德。近者悅服。遠者來附。政之  
 致也。夫布指知寸。布手知尺。舒肘知尋。斯不遠之則也。周制三  
 百步為里。千步而井。三井而垆。垆三而矩。此說里數不可以言  
 此五十里而都。封百里而有國。乃為福。積資聚焉。恤行者之有

亡是以蠻夷諸夏雖衣冠不同言語不  
會莫不來賓故曰無市  
而民不乏無刑而民不亂田獵單戈禮記  
非以盈宮室也徵

斂百姓非以盈府庫也慄慄以補不足  
禮節以損有餘多信而

寡貌其禮可守其言可復其迹可履如  
渴而飲民之信之如寒

暑之必驗故視遠若邇非道通也見明  
德也是故兵革不動而

威用利不施而親萬民懷其惠此之謂  
明王之守折衝千里之

外者也曾子曰敢問何謂三至孔子曰  
三禮不讓而天下治至

賞不費而天下士悅至樂無聲而天下  
民和明王篤行三至故

天下之君可得而知天下之士可得而  
臣天下之民可得而用

曾子曰敢問此義何謂孔子曰古者明  
王必盡知天下良士之

知其名又知其實又知其數及其所在  
焉然後因天下之爵以尊之

此之謂至禮不讓而天下治。因天下之祿以富天下之士。此之謂至賞不費而天下之士悅。如此則天下之明名譽興焉。此之謂至樂無聲而天下之民和。故曰所謂天下之至仁者能合天下之至親也。所謂天下之至明者能舉天下之至賢者也。此三者咸通然後可以征。是故仁者莫大乎愛人。智者莫大乎知賢。賢政者莫大乎官能有土之君。修此三者則四海之內供命而已矣。夫明王之所征必道之所廢者也。是故誅其君而改其政。弔其民而不奪其財。故明王之政猶時。用之降降。至則民悅矣。是故行施彌博。得親彌衆。此之謂還師。在席之上。言安安而無憂

大婚解第四

孔子侍坐於哀公。公問曰：敢問人道誰為大？孔子愀然作色而

對曰君及此言也。百姓之惠也。固臣敢無辭。而對人道政為大。夫政者正也。君為止則百姓從而正矣。君之所為百姓之所從。君不為正百姓何所從乎。公曰敢問為政如之何。孔子對曰夫婦別男女親君臣信三者正則庶物從之。公曰寡人雖無能也願知所以行三者之道可得聞乎。孔子對曰古之政受人為大所以治愛人禮為大所以治禮敬為大敬之至矣大婚為大大婚至矣冕而親迎者敬之也是故君子與敬為親捨敬則是遺親也弗親弗敬弗尊也愛與敬其政之本也。公曰寡人願有言也然冕而親迎不已重乎。孔子默然作色而對曰合二姓之好以繼先聖之後以為天下宗廟社稷之主君何謂已重乎。魯周

後得郊天故言以

為天下之主也

公曰寡人實固也

不

安得聞此言乎寡

公之

汲古閣

七

汲古閣

人欲問不能為辭請少進孔子曰天地不和萬物不生大婚萬

世之嗣也君何謂已重乎孔子遂言曰內以治宗廟之禮足以

配天地之神言宗廟天出以直言之禮足以立上下之敬夫婦

汝可以治正言禮矣身物恥則足以振之恥事不知禮國恥足

以興之恥國不知足故為政先乎禮禮其政之本與孔子遂言

曰昔三代明王必敬妻子也蓋有道焉妻也者親之至也子也

者親之後也敢不敬與是故君子無不敬敬也者敬身為大身

也者親之枝也敢不敬與不敬其身是傷其親是傷本也傷其

本則枝從之而亡三者百姓之象也言百姓之行身以及身子以

及子妃以及妃君以修此三者則大化氣乎天下矣慎昔大王

之道也大王出亦姜女入亦姜女國無鮮民愛其身以如此國

家順矣。公曰：敢問何謂敬身？孔子對曰：君子過言則民作辭，過行則民作則。言不過辭，動不過則，百姓恭敬以從命，若是則可謂能敬其身，敬其身則能成其親矣。公曰：何謂成其親？孔子對曰：君子者，乃人之成名也。百姓與名謂之君子，則是成其親。為君而為其子也。孔子遂言曰：愛政而不能愛人，則不能成其身；不能成其身，則不能安其土；不能安其土，則不能樂天。天不能樂天，則不能成其身。公曰：敢問何能成身？孔子對曰：夫其行已不過乎物，謂之成身。不過乎台，天道也。公曰：君子何貴乎？天道也。孔子曰：貴其不已也。如日月東西相從而不已，也是天道也。不閉而能久，不閉常通而能久言無極也是天道也。無為而物成，是天道也。已成而明之，是天道也。公曰：寡人患愚，言蠢愚冥暗也幸煩子之

於心欲煩孔子議識其心所能行也孔子蹴然避席而對曰仁人不過乎物孝

子不過乎親是故仁人之事親也如事天天如事親此謂孝

子成身公曰寡人既聞如此言無如後事孔子對曰君子及

此言是臣之福也

儒行解第五

孔子在衛冉求言於季孫曰國有聖人而不能求欲以求治是

猶卻步而欲求及前人不可得已今孔子在衛衛將用之已有

才而以資鄰國難以言智也請以重幣言之季孫以告哀公公

從之孔子既至舍哀公館焉就孔子舍公自阼階孔子賓階升堂立

侍公曰夫子之服其儒服與孔子對曰丘少居魯衣逢掖之衣

深衣之長居宋冠章甫之冠丘聞之君子之學也博其服以鄉

隨其丘未知其為儒服也公曰敢問儒行孔子曰魯言之則不

能終其物悉數之則留更僕未可以對留久也僕太僕君燕朝

之相代者也哀公命席孔子待坐儒有席上之珍以待席上

之數陳先王之夙夜強學以待問懷忠信以待舉力行以待取

道以為政治其自立有如此者儒有衣冠中動作順其大讓如

力行仁義道慢慢簡小讓如偽大則如威小則如魏難進而易退粥粥若無

能也其容貌有如此者儒有居處齊難齊莊可其起坐恭敬言

必誠信行必忠正道塗不爭險易之利冬夏不爭陰陽之和愛

其死以有待也養其身以有為也其備豫有如此也儒有不寶

金玉而忠信以為寶不祈土地而仁義以為土地不求多積多

文以為富難得而易祿也易祿而難畜也非時不見不亦難得

及古問

乎。非義不合。不亦難畜乎。先勞而後祿乎。其近人情。有如此者。

儒有委之以財貨而不貪。淹之以樂好而不淫。劫之以衆而不

懼。沮之以兵而不懾。沮難也。兵爲之難。見死不更其守。

往者不悔。來者不豫。過言不再。不再。過言不極。不窮極也。不斷

其死。常嚴。莊也。不習其謀。不豫習。其謀慮。其特立有如此者。儒有可親而不

可劫。可近而不可迫。可殺而不可辱。其居處不過。其飲食不溽。

其過失可微辯而不可面數也。其剛毅有如此者。儒有忠信以

爲甲冑。禮義以爲干櫓。于櫓也。櫓大戟。載仁而行。抱德而處。雖有暴政

不更其所。其自立有如此者。儒有一畝之宮。環堵之室。方丈曰一者。

言其小者也。簞門圭竇。簞門。荆竹也。竇。穿牆爲之。蓬戶甕牖。以編蓬爲戶。破甕爲牖也。

易衣而出。更相易衣。衣衣。而後可以出。井日而食。井。一日之糧。以爲一食也。上蒼之不敢以

疑君用之不敢上不敢以諂其仕有如此者儒有今人

以居古人以晉同今世行之後世以為楷也若不逢世上所不

受下所不推讒諂之民有比黨而危之身可危也其志不可奪

也雖危猶起居竟身其志乃不忘百姓之病也起居猶動靜也

危動靜猶終身不忘百姓其憂思有如此者儒有博學而不窮篤行而不倦

幽居而不淫上通而不困禮必以和優游以法慕賢而容眾毀

方而瓦合去已之大圭角其賞裕有如此者儒有內稱不避怨

程功積事不求厚祿程猶効也言功效也推賢達能不望其報君

得其志民賴其德苟利國家不求富貴其舉賢援能有如此者

儒有澡身浴德常自潔靜其身陳言而伏不望其報靜言而正

之而上下不知也默而翹之又不為也信專君清靜因事而

孔子家語 卷一 汲古閣

翹發之不急為所以為不為

不臨深而為高不加少而為多言不因勢位自於莊世治

不輕世亂不混不自輕

同已不異已不共其特立獨行有如

此者。儒有上不臣天子下不事諸侯慎靜尚寬砥厲廉愚強毅

以與人博學以知服

雖以分國視之如錙銖

碗之輕如錙銖八兩為錙

弗肯

臣仕其規為有如此者。儒有合志同方營道同術並立則樂相

下不厭久別則聞流言不信義同而造不同而退其交有如此

者。夫溫良者仁之本也慎敬者仁之地也寬裕者仁之作也動

遜接者仁之能也禮節者仁之貌也言談者仁之文也歌樂者

仁之和也分散者仁之施也儒皆兼此而有之猶且不敢言仁

也其尊讓有如此者。儒有不唱不獲憂問獲於貧賤不安之貌不充討於

富貴充謂踴躍不怨君王不累長上不闕有司故曰儒恩辱疾言不

言參擾之貌不累長上不闕有司故曰儒恩辱疾言不

為君長所辱病今人之名儒也忘常以

相詬疾詬哀公既得

儒者中和之名聞此言也言加信行加敬曰終沒吾世

敢復以儒為戲矣

### 問禮第六

哀公問於孔子曰大禮何如子之言禮何其尊也孔子對曰丘也鄙人不足以知大禮也公曰吾子言焉孔子曰丘聞之民之所以生者禮為大非禮則無以節事天地之神焉非禮則無以辯君臣上下長幼之位焉非禮則無以別男女父子兄弟婚姻親族疎數之交焉是故君子此為之尊敬然後以其所能教順百姓所不能廢其會節所能謂禮也會謂男女之會節謂親疎之節也既有成事而後治其文章黼黻以別尊卑上下之等其順之也而後言其喪祭之紀宗廟之序品其犧牲設其豕豮修其歲時以敬祭祀別其

親疎序其昭穆而後宗族會醮即安其居以饗恩義卑其宮室節其服御車不彫璣器不刻鏤食不二味心不淫志以與民同

利古之明王行禮也如此公曰今之君子胡莫之行也孔子對

曰今之君子好利無厭淫行不倦荒怠慢遊固民是盡以遂其

心以怨其政以忤其衆以伐有道求得當欲不以其所言尚求

情欲而已虐殺刑誅不以其治夫昔之用民者出前用上今之用民

者由後用下是即今之君子莫能為禮也言偃問曰夫子之極

言禮也可得而聞乎孔子言我欲觀夏道是故之杞夏后封而

不足徵也徵吾得夏時焉於四時之正我欲觀殷道是故之

宋殷後而不足徵也吾得乾坤焉乾天坤地之書也地得天乾坤之義夏

時之等吾以此觀之夫禮初也始於飲食太古之時燔黍擘豚

古未有釜甑燔米燔肉神饗德不加於燒石之上而食之神饗德不汗尊杯飲以手飲之猶可以致敬鬼神

求備物也及其死也升屋而號告曰高某然後飯腥苴熟

含以珠貝將葬包苴以遺奠以送之形體則降魂氣則上是謂天望而地藏也

升而在天形體藏而在地故生者南嚮死者北首皆從其初也昔之王者未

有宮室冬則居營窟夏則居橧巢有柴謂未有大

化食草木之實鳥獸之肉飲其血茹其毛未有絲麻衣其羽皮

後聖有作然後修火之利范金刑范也合土作在物以為宮

室戶牖以炮以燔毛曰炮加以烹以炙煮之曰烹以為醴酪醴

酒醴治其絲麻以為布帛以養生送死以事鬼神故立酒在室

尚古在畧近醴醴在戶日登壽三日登壽梁醴在堂深醴澄酒

在下澄清漏其酒也陳其犧牲備其鼎俎列其琴瑟管磬鐘鼓以降上

山之哀吾

神上神也與其先祖以正君臣以篤父子以睦兄弟以齊上下夫

婦有所是謂承天之祜作其祝號皆異為之號也玄酒以祭薦

其血毛腥其俎熟其穀言雖有所熟猶首所越席以坐藟蒲疏

布以冪冪覆酒巾也衣其浣帛練染以醴醖以獻薦其燔炙君

與夫人交獻以嘉魂魄嘉善也然後退而合合其烹熟之體其

大豕牛羊體解其牲體而薦之實其簋簠受黍稷之器也豆豆銅斝以盛

羹也祝以孝告祝通孝子語於先祖嘏以慈浩嘏傳生是為大祥祥此禮

之大成也

五儀解第六

哀公問於孔子曰寡人欲論魯國之士與之為治敢問如何取之孔子對曰生今之世志古之道居今之俗服古之服舍此而

為非者不亦鮮乎曰然則章甫絢衡屨

章甫冠也絢屨屨頭有絢飾也

紳帶搢

笏者皆賢人也

紳大帶搢插也笏所以執書思對命

孔子曰不必然也丘之所言

非此之謂也夫端衣玄裳冕而乘軒者則志不在於食

端衣玄裳

齋服也軒軒車煮宰菜也

斬衰管非杖而歆粥者則志不在於酒肉生今之

世志古之道居今之俗服古之服謂此類也公曰善哉盡此而

已乎孔子曰人有五儀者庸人有士人有君子有賢人有聖人

審此五者則治道畢矣公曰敢問何如斯可謂之庸人孔子曰

所謂庸人者心不存慎終之規口不吐訓格之言

格不擇賢以法

託其身不力行以自定見小聞大而不知所務從物如流不知

其所執此則庸人也公曰何謂士人孔子曰所謂士人者心有

所定計有所守雖不能盡道術之本必有率也

率猶行也

雖不能備

百善之美必有處也是故知不務多必審其所知言不務多必

審其所謂所務者謂言之要也行不務多必審其所由智既知之言既道

之得其要也行既由之則若性命之於形骸不可易也富貴不足以

益貧賤不足以損此則士人也公曰何謂君子孔子曰所謂君

子者言必忠信而心不怨怨仁義在身而色無伐無伐善之色也思慮

通明而辭不專篤行信道自強不息油然若將可越而終不可

及者君子也油然不進之貌也越過也公曰何謂賢人孔子曰所謂賢人都

德不踰閑閑法行中規繩言足以法於天下而不傷於身言滿天下無口

過道足化於百姓而不傷於本本亦身富則天下無怨財宛積也古字亦

或作此故或誤不著草矣施則天下不病貧此賢者也公曰何謂聖人孔子

曰所謂聖者德合於天地變通無方窮萬事之終始協庶品之

自然。歎其大道而遂成情性。明並日月。化行若神。下民不知其

德。視者不識其鄰。此謂聖人也。鄰以喻公曰善哉。非子之賢則

寡人不得聞此言也。雖然。寡人生於深宮之內。長於婦人之手。

未嘗知哀。未嘗知憂。未嘗知勞。未嘗知懼。未嘗知危。恐不足以

行五儀之教。若何。孔子對曰。如君之言。已知之矣。則丘亦無所

聞焉。君如此言已為知之故無公曰。非吾子寡人無以啟其心

吾子言也。孔子曰。君子入廟如右。登自阼階。仰視榱桷。俯察几

筵。其器皆存而不觀其人。君以此思哀。則哀可知矣。昧爽夙興。

正其衣冠。爽明也。昧明始明也。夙早興起。平旦視朝。慮其危難。一物失理。亂亡

之端。君以此思憂。則憂可知矣。日出聽政。至于中寘。中。日中。寘。中。諸

侯子孫往來為賓。行禮揖讓。慎其威儀。君以此思勞。則勞亦可

知矣。緬然長思出於四門，周章遠望，覩亡國之墟，必將有數焉。

言亡國故墟其但一君以此思懼，則懼可知矣。夫君者舟也，庶人者水也。

水所以載舟，亦所以覆舟。君以此思危，則危可知矣。君既明此

五者，又少留意於五儀之學，則於政治何有失矣。哀公問於孔

子曰：請問取人之法。孔子對曰：事在於官，言各當以其所能之事任於官無取

捷捷，無取錯錯。錯妄對不謹誠無取啍啍。啍啍多言捷捷貪也所以為貪也

錯錯亂也，啍啍誣也。誣欺詐也故弓調而後求勁焉，馬服而後求良

焉。士必慤而後求智能者，不慤而多能，譬之豺狼，不可適。言人無智

者離性慤信不能為大臨不哀公問於孔子曰：寡人欲吾國小

而能守，大則無攻，其道如何？孔子對曰：使君朝廷有禮，上下和

親，天下百姓皆君之民，將誰攻之？苟違此道，民畔如歸。皆君之

親，天下百姓皆君之民，將誰攻之？苟違此道，民畔如歸。皆君之

讐也將與誰守公曰善哉於是廢澤梁之禁弛關市之稅以惠

百姓哀公問於孔子曰吾聞君子不博有之乎孔子曰有之公

曰何為對曰為其有二乘公曰有二乘則何為不博子曰為其

兼行惡道也此其博三十六道也哀公懼焉有間復問曰若是乎君之惡

惡道至甚也孔子曰君子之惡惡道不甚則好善道亦不甚好

善道不甚則百姓之親上亦不甚詩云未見君子憂心悒悒亦

既見止亦既覲止我心則悅詩之好善道甚也如此公曰美哉

夫君子成人之善不成人之惡微吾子言焉吾弗之聞也哀公

問於孔子曰夫國家之存亡禍福信有天命非唯人也孔子對

曰存亡禍福皆已而已天災地妖不能加也公曰善吾子之言

豈有其事乎孔子曰昔者殷王帝辛之世帝有雀生大鳥於城

山之子文五  
卷一  
二  
汲古閣

隅焉。占之曰：凡以小生大，則國家必玉而名必昌。於是帝辛介

雀之德。介助也。以雀之德為助也。不修國政，元暴無極。朝臣莫救，外寇乃至。

殷國以亡。此卽以已逆天時，詭福反為禍者也。又其先世殷王

太戊之時，道缺法弛，以致天譴。桑穀生于朝，七日大拱。占之者

曰：桑穀野木，而不合生朝，意者國亡乎。太戊恐駭，側身修行，思

先王之政，明養民之道。三年之後，遠方慕義，重譯至者十有六

國。此卽以已逆天時得禍為福者也。故天災地妖，所以做人王

者也。寤夢徵怪，所以做人臣也。成微災妖不勝善政，寤夢不勝善

行。能知此者，至治之極也。唯明王達此，公曰：寡人不鄙，固此亦

不得聞君子之教也。哀公問於孔子曰：智者壽乎？仁者壽乎？孔

子對曰：然。人有三死而非其命也，行己自取也。夫寢處不時，飲

食不節逸勞過度者疾共殺之吾下位而上干其君嗜慾無厭  
而求不止者刑共殺之以少犯衆以弱侮強忿怒不類動不量  
力兵共殺之此三者死非命也人自取之若夫智士仁人將身  
有節將動靜以義喜怒以時無害其性雖得壽焉不亦宜乎

諸  
圖  
ZHUJILI

f


  
 诸暨图书馆
   
 ZHUJI LIBRARY

諸

三

四

孔氏家語卷二

王肅注

致思第八

孔子北遊於于農山。子路子貢顏淵侍側。孔子四望喟然而歎。

曰於斯致思無所不至矣。言思無所不至二三子各言爾志。吾將擇焉。

子路進曰由願得白羽若月赤羽若日。鐘鼓之音上震於天。於

旗纛紛下。蟠于地。委蟠由當一隊而敵之。必也攘地千里。攘舉旗

執取也。取敵之於旗。執取也取敵之於旗唯由能之。使二子者從我焉。夫子曰

勇哉子貢復進曰賜願使齊楚合戰於涿瀆之野。涿瀆廣兩壘

相望塵埃相接。挺刃交兵。賜著緇衣白冠。兵凶事故陳說其間

推論利害。釋二國之患。唯賜能之。使夫二子者從我焉。夫子曰

辯哉。顏回退而不對。孔子曰。回來汝奚獨無願乎。顏回對曰。文

武之事則二子者既言之矣。回何云焉。雖然各言爾志也。小子

言之對曰。回聞薰蕕不同器而藏。薰香蕕臭堯桀不共國而治。以其

類異也。回願得明王聖王輔相之敷其五教。敷布也五教父義母慈兄友弟恭子

孝導之以禮樂使民城郭不修溝池不越。言無踰也越薄池鑄劍戟以為

農器。放牛馬於原藪。廣平日原澤無水曰藪也室家無離曠之思。千歲無戰

鬪之患。則由無所施其勇而賜無所用其辯矣。夫子凜然曰。美

哉德也。子路抗手而對曰。夫子何選焉。孔子曰。不傷財不害民

不繁詭則顏氏之子有矣。魯有儉嗇者。在焉。煮食。瓦釜食之。自謂

其美。盛之上型之器。瓦甌以進孔子。孔子受之。歡然而悅。如受太

牢之饋。牛羊豕饋饋也子路曰。瓦甌陋器也。煮食薄膳也。夫子何喜之

如此乎。子曰。夫好諫者。思其君。食美者。念其親。吾非以饌具之

爲厚以其食厚而我思焉。孔子之楚而有鮫者而獻魚焉。孔子  
不受。鮫者曰：天暑市遠，無所鬻也。思慮棄之糞壤，不如獻之君  
子。故敢以進焉。於是夫子再拜受之。使弟子掃地，將以享祭。門  
人曰：彼將棄之，而夫子以祭之，何也？孔子曰：吾聞諸惜其腐餼  
而欲以務施者，仁人之偶也。惡有受仁人之饋而無祭者乎？季  
羔爲衛之士師。獄官，別人之足。俄而衛有蒯瞶之亂。初衛靈公太  
子蒯衛時子羔子路並位於衛也季羔逃之走郭門。別者守門  
焉。謂季羔曰：彼有缺。季羔曰：君子不踰。又曰：彼有竇。季羔曰：君  
子不隧。隧從又曰：於此有室。季羔乃入焉。既而追者罷。季羔將  
去，謂別者：吾不能虧主之法，而親別者之足。今吾在難，此正子  
之報怨之時，而逃我者，何故哉？別者曰：斷足固我之罪，無可

奈何○曩者君治臣以法令先人後臣欲臣之免也臣知獄決罪

定臨○當論刑君愀然不樂見君顏色臣又知之君豈私臣哉天

生君子其道固然此臣之所以悅君也孔子聞之曰善哉為吏

其用法一也思仁恕則樹德加嚴暴則樹怨公以行之其子羔

乎孔子曰○季孫之賜我粟千鍾也而交益親○以施與衆而交益

親○自南宮敬叔之乘我車也而道加行○孔子欲見老聃而西觀

子車馬問禮於老子孔子歷觀郊廟自周而還弟子四方來習也故道雖貴必有時而後重有

勢而後行○微夫二子之貺財則丘之道殆將廢矣孔子曰王者

有似于春○秋○正其本而萬物皆正○文王以王季為父以太任為母以太姬

為妣以武王周公為子以太顛閔天為臣其本美矣武王正其

身以正其國正其國以正天下伐無道刑有罪一動而天下正

其事成矣。春秋致其時而萬物皆及。王者致其道而萬民皆治。

周公載已行化。載亦行矣。言行已以行。化其身正不介而行也。而天下順之。其誠至矣。

曾子曰：入是國也，言信於群臣而留可也；行忠於鄉大夫則仕

可也；澤施於百姓則富可也。孔子曰：參之言此可謂善安身矣。

子路為蒲宰，為水備與其民修溝瀆以民之勞煩苦也。入與之

簞食。簞，一也。一壺漿。孔子聞之，使子貢止之。子路忿然不悅。往見孔

子曰：由也，以暴虎馮河，將至恐有水災，故與民修溝瀆以備之。而民

多匱餓者，是以簞食壺漿而與之。夫子使賜止之，是夫子止由

之行仁也。夫子以仁教而禁其行，由不安也。孔子曰：汝以民為

餓也，何不白於君，發倉廩以賑之，而私以余食饋之，是汝明君

之無惠而見已之德美矣。汝速已則可不已。則汝之見罪必矣。

子路問於孔子曰管仲之為人如何子曰仁也得仁也子路曰昔

管仲說襄公公不受是不辯也欲立公子糾而不能是不智也

齊襄公立無知鮑叔牙曰君使民慢亂將存矣奉公子小白出奔莒公孫無知殺襄公當夷吾召忽奉公子糾奔魯齊人殺無

知魯殺齊納子糾小白自莒先人家殘於齊而無憂色是不慈

是為桓公乃殺子糾召忽死之也也極枯而居樞車無慧心是無醜也言無恥事所射之君是不

貞也召忽死之管仲不死是不忠也仁人之道固若是乎孔子

曰管仲說襄公襄公不受公之闇也欲立子糾而不能不遇時

也家殘於齊而無憂色是知權命也極枯而無慧心自裁密也

事所射之君逼於變也不死子糾量輕重也夫子糾未成君管

仲未成臣管仲不度義管仲不死束縛而立功名未可非也召

忽雖死過與取仁未足多也孔子適齊中路聞哭者之聲其音

怨雖死過與取仁未足多也孔子適齊中路聞哭者之聲其音

甚哀。孔子謂其僕曰：此哭哀則哀矣，然非喪者之哀矣。驅而前，少進，見有異人焉，擁鎌帶索，哭者不戢。孔子下車，追而問曰：子何人也？對曰：吾丘吾子也。曰：子今非喪之房，奚哭之悲也？丘吾子曰：吾有三失，晚而自覺，悔之何及！曰：三失可得聞乎？願子告吾無隱也。丘吾子曰：吾少時好學，周遍天下，後還，喪吾親，是一失也。長事齊君，君驕奢失士，臣節不遂，是二失也。吾平生厚交，而今皆離絕，是三失也。夫樹欲靜而風不停，子欲養而親不待，往而不來者，年也不可再見者，親也。請從此辭，遂投水而死。孔子曰：小子識之，斯足為戒矣。自是弟子辭歸養親者十有三。孔子謂伯魚曰：鯉乎，吾聞可以與人終日不倦者，其唯學乎。其容體不足觀也，其勇力不足憚也，其先祖不足稱也，其族姓不足

道也。終而有大名，以顯聞四方。流聲後裔者，豈非學之効也。故

君子不可以不學，其容不可以不飭，無類無類失親。類宜為親

不在飭故無貌不待言不飭無類也禮貌失親不忠。情不知親則無忠誠

不忠失禮。禮以忠為本失禮不立。非禮則無以立夫遠而有光者，飭也。近而

愈明者，學也。譬之汗池，水潦注焉，濯羣生焉。雖或以觀之，孰知

其源乎。源泉源也水潦注於池也而濯羣生者誰知其非源泉也以言學者雖從外之及真用之人誰知其非從此出

也者。子路見於孔子，曰：負重涉遠，不擇地而休。家貧親老，不擇

祿而仕。昔者由也，事二親之時，常食藜藿之實，為親負米百里

之外。親歿之後，南遊於楚，從車百乘，積粟萬鍾，累茵而坐，列鼎

而食。願欲食藜藿為親負米，不可復得也。枯魚銜索，幾何不盡。

二親之壽，忽若過隙。孔子曰：由也，事親可謂生事盡力，死事盡

思者也。孔子之郊。郊國名也。少昊之後，吾之本縣也。郊子達禮，孔子故往諮問焉。遭程子於途。

傾蓋而語。傾蓋，車終日甚相親。顧謂子路曰：取束帛以贈先生。送贈。

子路肩然對曰：由聞之，上不中間見，女嫁無媒，君子不以交禮。

也。中間，謂也。紹介也。有問，又顧謂子路。子路又對如初。孔子曰：由詩不云

乎？有美一人，清揚婉兮，邂逅相遇，適我願兮。清揚，眉目之間也。宛然，美也。幽期而

會合願也。今程子天下賢士也。於斯不贈，則終身不能見也。小子行

之。孔子自衛反魯，息駕于河梁而觀焉。河水無梁，莊周書說孔

水為河也。有懸水三十仞。八尺曰仞。懸二園流九十里。園流，回水也。水深急，則然

魚鼈不能導，鼃鼃不能居。道有一丈夫方將厲之。厲，渡也。孔子使人

並涯止之，曰：此懸水三十仞，園流九十里，魚鼃鼃不能居也。

意者難可濟也。丈夫不以措意，遂渡而出。孔子問之曰：巧乎？有

道術乎所以能入而出者何也。丈夫對曰：始吾之入也，先以忠信及吾之出也，又從以忠信。忠信措吾軀於波流，而吾不敢以用私，所以能入而復出也。孔子謂弟子曰：二三子識之，水且猶可以忠信成身親之，而況於人乎？孔子將行，雨而無蓋，門人曰：商也有之。名也。子夏也。孔子曰：商之為人，也甚恇於財。恇，音高。甚也。吾聞與人交，推其長者，違其短者，故能久也。楚昭王渡江，江中有物大如斗，圓而赤，直觸王舟，舟人取之。王大怪之，遍問群臣，莫之能識。王使使聘于魯，問於孔子。子曰：此所謂萍實者也。萍，水草也。可剖而食之，吉祥也。唯霸者為能獲焉。使者返，王遂食之，大美。久之，使來以告魯大夫。大夫因子游問曰：夫子何以知其然？曰：吾昔之奠過乎陳之野，聞童謠曰：楚王渡江得萍實，大如斗，赤如日，剖

而食之。甜如蜜。此是楚王之應也。吾是以知之。子貢問於孔子曰：死者有知乎？將無知乎？子曰：吾欲言死之有知，將恐孝子順孫妨生以送死；吾欲言死之無知，將恐不孝之子棄其親而不葬。賜不欲知死者有知也，無知非今之急，後自知之。子貢問治民於孔子，子曰：懷懷焉，若持腐索之扞馬。懷懷，懼之貌。扞，打馬突馬。子貢曰：何其畏也！孔子曰：夫通達御之皆人也，以道導之則吾畜也不以道導之則吾讐也。如之何其無畏也？魯國之法，贖人臣妾于諸侯者，皆取金於府。子貢贖之，辭而不取金。孔子聞之曰：賜失之矣。夫聖人之舉事也，可以移風易俗，而教導可以施之於百姓，非獨適身之行也。今魯國富者寡而貧者衆，贖人受金則爲不廉，則何以相贖乎？自今以後，魯人不復贖人於諸侯。子路治

蒲請見於孔子曰由願受教於夫子子曰蒲其何如對曰邑多壯士又難治也子曰然吾語爾恭而敬可以攝身寬而正可以懷強愛而恕可以容困言愛恕者能容窮濫而斷可以抑姦如此而加之則正不難矣

三恕第九

孔子曰君子有三恕有君不能事有臣而求其使非恕也有親不能孝有子而求其報非恕也有兄不能敬有弟而求其順非恕也士能明於三恕之本則可謂端身矣孔子曰君子有三思不可不察也少而不學長無能也老而不教死莫之思也有而不施窮莫之救也故君子少思其長則務學老思其死則務教有思其窮則務施伯常審問於孔子曰審問周國之賤吏也不

自以不肖將北面以事君子敢問正道宜行不容於世正道宜行而世

莫之能貴故行隱道宜行然亦不忍世亂則隱道為行今欲身

亦不窮道亦不隱為之有道乎孔子曰善哉子之問也自丘之

聞未有若吾子所問辯且說也辯當其理得其說矣丘嘗聞君子之言道

矣聽者無察則道不入言聽者不明察道則不能入也奇偉不稽則道不信稽考

也聽道者不能考枝奇偉則道不見信此言苟非其人道不虛行又嘗聞君子之言事矣制無

度量則事不成其政曉察則民不保保安也政大曉了又嘗聞

君子之言志矣剛折者不終剛則折矣不終其性命矣徑易者則數傷徑輕也志

輕則數傷於義矣浩倨者則不親浩倨簡略不恭如是則不親矣就利者則無不弊言好

利者不可久也又嘗聞養世之君子矣從輕勿為先從重勿為後赴憂患從

勞苦輕者宜為後重者宜為先養世者也見像而勿強像法也見法而勿佛

佛說也陳道而已此四者丘之所聞也孔子觀於魯相公之廟

不與世相詭違也

有欵器焉欵夫子問於守廟者曰此謂何器對曰此蓋為宥坐

之器孔子曰吾聞宥坐之器虛則欵中則正滿則覆明君以為

至誠故常置之於坐側顧謂弟子曰試注水焉乃注之水中則

正滿則覆夫子喟然歎曰嗚呼夫物惡有滿而不覆哉子路進

曰敢問持滿有道乎子曰聰明睿守之以愚功被天下守之

以讓勇力振世守之以怯富有四海守之以謙此所謂損之又

損之之道也孔子觀於東流之水子貢問曰君子所見大水必

觀焉何也孔子曰以其不息且遍與諸生而不為也夫水似乎

德通與諸生者物德水而後其流也則卑下倨邑必循其理此

似義浩浩乎無屈盡之期此似道流行赴百仞之嶮而不懼此

似勇至量必平之此似法盛而不求概此似正綽約微達此似

察發源必東此似志以出以入萬物就以化絜此似善化也水

之德有若此是故君子見必觀焉子貢觀於魯廟之北堂出而

問於孔子曰向也賜觀於太廟之堂未既輟還瞻北蓋皆斷焉

輟止觀北面之蓋斷絕也彼將有說耶匠過之也孔子曰太廟之堂官致良

工之匠匠致良材盡其功巧蓋貴久矣尚有說也尚猶必也孔

子曰吾有所恥有所鄙有所殆夫幼而不能強學老而無以教

吾恥之去其鄉之去其鄉事君而達卒遇故人曾無舊言吾鄙

之事君而達得志於君而見故人曾無舊言與小人處而不能

是棄其平生之舊交而無進之心者乎親賢吾始之殆危也夫疎賢而近子路見於孔子孔子曰智者

若何仁者若何子路對曰智者使人知己仁者使人愛己子曰

仁者若何子路對曰智者使人知己仁者使人愛己子曰

可謂去矣。子路出。子貢入。問亦如之。子貢對曰：智者知人。仁者

愛人。子曰：可謂去矣。子貢出。顏回入。問亦如之。對曰：智者自知。

仁者自愛。子曰：可謂去矣。君子矣。子貢問於孔子曰：子從父命，孝

臣從君命，貞乎？奚疑焉？孔子曰：鄙哉賜！汝不識也。昔者明王萬

乘之國，有爭臣七人，則主無過舉。天子有三公四輔，主諫爭以

曰：左曰輔，右曰弼也。王乘之國，有爭臣五人，則社稷不危也。諸侯有三

臣有內外者也。百乘之家，有爭臣三人。大夫有臣室，老家相邑

則祿位不替。父有爭子，不陷無禮。士有爭友，不行不義。上雖有

且陋，不能以義匡其君，故須朋友之諫，諫於已然，後不義之事不得行之者也。故子從父命，奚詎為去

臣從君命，奚詎為貞？夫能審其所從，當詳審所之謂孝之謂貞

矣。子路盛服見於孔子，子曰：由是僂僂者何也？夫江始出於岷

山其源可以濫觴

觴可以盛酒言其微

及其至于江津不舫舟不避風則

不可以涉非唯下流水多邪今爾衣服既盛顏色充盈天下且

孰肯以非告汝乎子路趨而出改服而入蓋自若也子曰由志

之吾告汝奮於言者華

自矜奮於言者華而無實

於行者伐白矜奮行

色智而有能者小人也故君子知之曰智言之要也不能曰不

能行之至也言要則智行至則仁既仁且智惡不足哉子路問

於孔子曰有人於此被褐而懷玉何如

褐毛衣

子曰國無道隱之

可也國有道則袞冕而執玉

袞冕文衣盛飾也

好生第十

魯哀公問於孔子曰昔者舜冠何冠乎孔子不對公曰寡人有

問於子而子無言何也對曰以君之問不先其大者故方思所

以為對公曰其大何乎孔子曰舜之為君也其政好生而惡殺其任授賢而替不肖德若天地而靜虛化若四時而變物是以

四海承風暢於異類異類四方也鳳翔麟至鳥獸馴德馴無他也

好生故也君舍此道而冠冕是問是以緩對孔子讀史至楚復

陳陳夏微舒殺其君楚莊王討之因陳喟然歎曰賢哉楚王輕

千乘之國而重一言之信匪申叔之信不能達其義匪莊王之

賢不能受其訓孔子嘗自筮其卦得賁焉愀然有不平之狀子

張進曰師聞卜者得賁卦吉也而夫子之色有不平何也孔子

對曰以其離耶在周易山下有火謂之賁離下艮上離非正色

之卦也夫質也白宜正白黑宜正黑今得賁非吾兆也賁吾聞

丹漆不文白玉不雕何也質有餘不受飾也孔子曰吾於甘

棠見宗廟之敬也甚矣卻伯聽於甘棠愛其樹作甘棠之詩也思其人必愛其樹

尊其人必敬其位道也子路戎服見於孔子拔劍而舞之曰古

之君子以劍自衛乎孔子曰古之君子忠以為質仁以為衛不

出環堵之室而知千里之外有不善則以忠化之侵暴則以仁

固之何持劍乎子路曰由乃今聞此言請攝齊以受教齊裳不緝也受

教者攝齊并堂楚恭王出遊亡烏擘之弓良弓之名左右請求之王曰止楚

王失弓楚人得之又何求之孔子聞之惜乎其不大也不曰人

遺弓人得之而已何必楚也孔子為魯司寇斷獄訟皆進舉

者而問之曰子以為奚若某以為何若皆曰云云如是然後夫

子曰當從某子幾是近也重獄事故與眾議之孔子問漆雕憑曰子事臧文

仲武仲及孺子容此三大夫孰賢對曰臧氏家有守龜焉名曰

蔡文仲三年而為一兆武仲三年而為二兆孺子容三年而為

三兆憑從此之見若問三入之賢與不賢所未敢識也孔子曰

君子哉漆雕氏之子其言人之美也隱而顯言人之過也微而

著智而不能及明而不能見孰克如此克能也而魯公索氏先

反將祭而亡其牲孔子聞之曰公索氏不及二年將亡後一年

而亡門人問曰昔公索氏亡其祭牲而夫子知其將亡何也曰

夫祭者孝子所以自盡於其親將祭而亡其牲則其餘所亡者

多矣若此而不亡者未之有也虞芮二國爭田而訟連年不決

乃相謂曰西伯仁人也西伯盍往質之盍何不入其境則耕者

讓畔行者讓路入其邑男女異路斑白不提挈入其朝士讓為

大夫大夫讓為卿虞芮之君曰嘻吾齊小人也齊不可以履君

子之庭遂自相與而退威以所爭之田爲閼田矣孔子曰以此  
觀之文王之道其不可加焉不令而從不教而聽至矣哉曾子  
曰狎其則相簡莊其則不親是故君子之狎足以交歡其莊足  
以成禮孔子聞斯言也曰一三子志之孰爲參也不知禮也哀  
公問曰紳委章甫委委貌章甫甫冠名也有益於仁乎孔子作色而對曰君  
胡然善委麻苴杖者志不存乎樂非耳弟聞服使然也黼絞袞  
冕者容不褻慢非性矜莊服使然也介冑執戈者無退懦之氣  
非體純猛服使然也且臣聞之好肆不守折言市弗能爲廉而好肆不守折也  
長者不爲市言長者之行則不爲市買之事竊夫其有益與無益君子所以知  
竊宜爲察孔子謂子路曰見長者而不盡其辭雖有風雨吾不能入  
其門矣故君子以其所能敬人小人反是孔子謂子路曰君子

以心導耳自。立義以為勇。小人以耳自導心。不遜以為勇。故曰

退之而不怨。先之斯可從已。言人退之不怨先之則可從足以為師也孔子曰。君子

有三患。未之聞。患不得聞。既聞之。患弗得學。既得學之。患弗能

行。有其德而無其言。君子恥之。有其言而以無其行。君子恥之。

既得之而又失之。君子恥之。地有而民不足。君子恥之。眾寡均

而人功倍已焉。君子恥之。凡興功業多少與人同而功殊倍已故恥之魯人有獨處

室者。鄰之釐婦也亦獨處一室。夜暴風雨。至釐婦室。環趨而

託焉。魯人閉戶而不納。釐婦自牖與之言。子何不仁而不納我

乎。魯人曰。吾聞男子不六十不間居。今子幼。吾亦幼。是以不敢

納爾也。婦人曰。子何不如柳下惠然。婦不逮門之女。國人不稱

其亂。魯人曰。柳下惠則可。吾固不可。吾將以吾之不可。學柳下

惠之可。孔子問之曰善哉。欲學柳下惠者。未有似於此者。初於至善而不襲其為。可謂智乎。孔子曰小辯害義。小言破道。關雎

興于鳥。而君子美之。取其雄雌之有別。鹿鳴興于獸。而君子大之。取其得食而相呼。若以鳥獸之名。嫌之。固不可行也。孔子謂

子路曰。君子而強氣。則不得其死。小人而強氣。則刑戮薦臻。幽

詩曰。始天之未陰雨。徹彼桑土。綢繆牖戶。始及也。徹。剝也。桑土。桑根也。鳴。鳴也。天未雨。

剝取桑根以纏綿其牖戶。喻我國家積累之功。乃難成之若此也。今汝下民。或敢侮余。今者周公時言

我先祖致此大功。至艱而下民敢侵侮我。周道謂管蔡之亂不可不遏絕之以存周室者也。孔子曰。能治國

家之如此。雖欲侮之。豈可得乎。周自后稷積行累功。以有爵土

公劉重之以仁。及至大王。亶父敦以德。讓其樹根。置本備豫。遠

矣。初大王都國。狄人侵之事。之以皮幣。不得免焉。事之以珠玉

不得免焉於是屬耆老而告之所欲吾土地吾聞之君子不以  
 所養而害人二三子何患乎無君遂獨與大姜去之踰梁山邑  
 於岐山之下邇人曰仁人之君不可失也從之如歸市焉天之  
 與周民之去殷久矣若此而不能天下未之有也武庚惡能侮  
 武庚紂子名祿父與管蔡共為亂也都詩曰執轡如組兩驂如舞驂之以服和諧中節孔子  
 曰為此詩者其知政乎夫為組者總紕於此威文於彼言其動  
 於近行於遠也執此法以御民豈不化乎竿旄之忠昔矣哉

竿旄之詩者樂乎善道告人取  
 喻於素經良馬如紕紕之義

孔子家語卷三

觀周第十一

王肅注

孔子謂南宮敬叔曰吾聞老聃博古知今

敬叔孟僖子子也老聃老子博古知今而

道通禮樂之原明道德之歸則吾師也今將往矣對曰謹受命

遂言於魯君曰臣受先臣之命先臣管子云孔子聖人之後也聖人殷湯

滅於宋孔子之失去宋奔魯故曰滅於宋也其祖弗父何始有國而受厲公弗父何

以有宋而授厲公宜始有國謂始有宋也春秋傳曰及正考父佐戴武

宣正考父何之曾孫也三命茲益恭命為土一命為大夫故其鼎

銘曰臣有功德君命銘之一命而僂再命而僂三命而俯僂恭而僂

而僂循牆而走言恭之甚亦莫余敢侮余我也我考父也以其饋於

是粥於是以餽其口僂康也為康強於此是言至德也其恭儉也若此臧孫紇

孔子家語 卷三 汲古閣

有言聖人之後若不當世統滅武仲辨父何毀易則必有明德

而達者焉孔子少而好禮其將在矣將在孔子屬臣汝必師之今孔

子將適周觀先王之遺制者禮樂之所極斯大業也君盍以乘

資之臣請與往公曰諾與孔子車一乘馬二匹豎子侍御敬叔

與俱至周問禮於老聃訪樂於萇宏左周大夫歷郊祖之所考明堂

之則則察廟朝之度宗廟宗廟之度也於是喟然曰吾乃今知周公之

聖與周之所以王也及去周老子送之曰吾聞富貴者送人以

財仁者送人以言吾雖不能富貴而竊仁者之號請送子以言

乎凡當今之士聰明深察而近於死者好譏議人者也博辯闕

達而危其身好發人之惡者也無以有已為人子者身父母無

以惡已為人臣者言聽則仕不用則退孔子曰敬奉教自周反

保身全行臣之節也

曾道彌尊矣遠方弟子之進蓋三千焉孔子觀乎明堂觀四門

墉有堯舜與桀紂之象而各有善惡之狀興廢之誠焉又有周

公相成王抱之負斧扆南面以朝諸侯之圖焉世之博學者謂周公便履夫子

之位失孔子徘徊而望之謂從者曰此周公所以盛也夫明鏡

之遠矣所以察形往古者所以知今人主不務襲迹於其所以安存而

急急所以危亡是猶未有以異於郤走而欲求及前人也豈不

惑哉孔子觀周遂入太祖后稷之廟廟堂有階之前有金人焉

參臧其口而銘其背曰古之慎言人也戒之哉無多言多言多

敗無多事多事多患安樂必戒雖處安樂也無所行悔言當詳而後行所悔

之事不可復行勿謂何傷其禍將長勿謂何害其禍將大勿謂不聞神

將伺人焔焔不滅炎炎若何涓涓不壅終為江河綿綿不絕或

成網羅細細若不經毫末不札將尋斧柯如毫之末言至

用誠能慎之福之根也口是何傷禍之門也強梁者不得其死

好勝者必遇其敵盜憎主人民怨其上君子知天下之不可上

也故下之知衆人之不可先也故後之溫恭慎德使人慕之執

雌持下人莫踰之人皆趨彼我獨守此火皆或之我獨不徙或

東西轉內藏我智不示人技我雖尊高人弗我害誰能於此江

海雖左長於百川以其卑也水陰長右海江雖在於其左天道

無親而能下人戒之哉孔子既讀斯文也願謂弟子曰小子識

之音此言實而中情而信詩云戰戰兢兢如臨深淵如履薄冰

戰戰恐也兢兢戒也恐墜也恐陷也行身如此豈以口過患哉孔子見老聃而問

焉曰甚矣道之於今難行也吾比執道而今交實以求當世之

者亂於辭知此二者則道不可以忘也

說者流於辯流猶過也失也耳

### 弟子行第十二

衛將軍文子

衛卿名補牟也問於子貢曰吾聞

孔子之施教也先之以

詩書導之以孝悌說之以仁義觀之以禮樂然後成之以文德

蓋入室升堂者七十有餘人其孰為賢子貢對以不知文子曰

以吾子常與學賢者也何為不知子貢對曰賢人無妄賢人無妄言舉

動不知賢即難故君子之言曰智莫難於知人是以難對也文

子曰若夫知賢莫不難今吾子親遊焉是以敢問子貢曰夫子

之門人蓋有三千就焉賜有逮及焉未逮及焉故不得徧知以

告也文子曰吾子所及者請聞其行子貢對曰夫能夙興夜寐

諷誦崇禮行不貳過貳再也有不善未嘗不稱言不苟舉言與

也且是顏回之行也孔子說之以詩曰媚茲一人應侯慎德天子

也也應當也侯惟也言顏淵之德是永言孝思孝思惟則言能長

法則也若逢有德之君世受顯命不失厥名以御于天子則王

者之相也在貧如客言不以貧累志使其臣如借言不有其臣

不遷怒不深怨不錄舊罪是冉雍之行也孔子論其材曰有土

之君子也有眾使也有刑用也然後稱怒焉言有土地之君有

然後可以稱怒冉雍非有土之君故使其臣如借而不加怒也孔子告之以詩曰靡不有初鮮

克有終冉雍能匹夫不怒唯以亡其身因說不怒之義遂及匹夫以怒亡身不畏

強禦不侮於寡其言循性循其性也而其都以富仲由長材任

治戎戎軍旅也是仲由之行也孔子和之以文說之以詩曰受小共

大共而為下國駿鹿荷天子之龍

孔子曰和伸由以文說之以其義也共法也駿大也

厯厚也龍和也言受大小法為下國大厚乃可任天下道也

不慙不

悚敷奏其勇

慙恐悚懼敷陳奏薦

强乎武哉文不勝其質

言子路强勇其質文不勝其質

老邱幼不忘賓旅

謂賓旅

容好學博藝省物而勤也

省錄諸事是而能勤也

再求之行也孔子因而

語之曰好學則智恤孤則惠恭則近禮

勤則有繼堯舜篤恭以

王天下其稱之也曰宜為國老

國老助宣德教

齋莊而能肅志通而好

禮儻相兩君之事篤雅有節是公西赤

之行也子曰禮經三百

可勉能也

禮經三百可勉學而能知

威儀三千則難

也能躬行三千之威儀則難可為而公西赤

能躬行之公西赤問曰何謂也子曰貌以信

禮禮以儻儻是謂難焉

言所以為者當觀容貌而儻相其禮度其禮而儻相其辭度事制宜故難也

衆人聞之以為成也孔

子語人曰當賓客之事則達矣

衆人達義故曰

公西赤能行三千之威儀孔子曰當賓客

之事則達未盡達謂門人曰二三子之欲學賓客之禮者其於

赤也滿而不盈實而如虛過之如不及先王難之盈而如虛過

王之所難而博無不學其貌恭其德致其言於人也無所不信

其驕大人也常以浩浩浩然志大驕大也大人富貴者也是以眉壽不慕富貴安靜虛無

所以為是會參之行也孔子曰孝德之始也悌德之序也悌以

是德之厚也忠德之正也參中功天四德者也以此稱之

美功不伐貴位不善不侮不佚侮佚舍復功不傲無告此四者天

民之窮而無告者也于是顯孫師之行也孔子言之曰其不伐

則猶可能也其不弊百姓則仁也不弊患百姓即詩云愷悌君

子民之父母愷樂也悌易也樂以強教之易以夫子以其仁為

大學之深學而能入其深義也送迎必敬送迎信客上客下接若截焉是

卜商之行也孔子說之以詩曰式夷式已無小人殆式用夷乎也言用下

則已也殆危者無以小人至於危也若商也其可謂不險矣險危也言子夏常厲以懲之近小人斯不

貴之不喜賤之不怒其利於民矣廉於行已其事上也以佑

其下言所以事上也是澹臺滅明之行也孔子曰獨貴獨富君

子恥之夫也中之矣夫謂滅明中猶當也先成其慮及事而用之故動則

不妄是言偃之行也孔子曰欲能則學欲知則問欲善則詳欲善

其事當詳慎也欲給則豫事欲給而不礙當是而行偃也得之矣獨居

思仁公言言義其於詩也則一日三復自圭之玷玷缺也詩曰白圭之玷尚

可磨也斯言之玷不可磨也是官緡之行也孔子信其能仁以為

異士殊異之士也大戴引之曰以為異自見孔子出入於戶未

嘗越履往來過之足不履影其言往來常跡啟鑿不殺春分當

孔子家語 卷三 五 汲古閣

破戶成出於此方長不折春夏生長養親之喪未嘗見齒是

時不殺生也高柴之行也孔子曰柴於親喪則難能也啟蟄不殺則順人道

方長不折則恕仁也成湯蒸而以恕是以日躋躋升也成湯行

搏鳥焉四面施網乃去其三凡此諸子詩曰湯雖不遲聖教

日躋言湯疾行下人之道其聖敬之德日賜之所親親者也吾子有命而訊賜也固不足以知賢交

子曰吾聞之也國有道則賢人興焉中人用焉中庸之人乃百

姓歸之若吾子之論既富茂矣壹諸侯之相也壹抑世未有明

君所以不遇也子貢既與衛將軍文子言適魯見孔子曰衛將

軍文子問二三子之於賜不壹而三焉賜也辭不獲命以所見

者對矣未知中否請以告孔子曰言之乎子貢以其辭狀告孔

子子聞而笑曰賜汝次為人矣言為知人之女真對曰賜也何敢知

人此以賜之所覩也孔子曰然吾亦語汝耳之所未聞目之所  
未見者豈思之所不至智之所未及哉子貢曰賜願得聞之孔  
子曰不克不忘不念舊怨蓋伯夷叔齊之行也思天而敬人服  
義而行信孝於父母恭於兄弟從善而不教道趙文子之行也  
其事君也不敢愛其死然亦不敢忘其身謀其身不遺其友君  
陳則進而用之陳謂陳列於君不陳則行而退蓋隨武子之行  
也其為人之淵源也多聞而難誕誕內植足以沒其世國家有  
道其言足以治無道其默足以生蓋銅鞮伯華之行也外寬而  
內正自極於隱括之中隱括所直已而不直人汲汲於仁以善  
自終蓋蘧伯玉之行也孝恭慈仁允德圖義允信也約貨去怨  
夫利怨之所聚故約省其貨以遠去其怨輕財不置蓋柳下惠之行也其言曰君雖

不量於其身

謂不量度其臣之德器也

臣不可以不忠於其君

是故君擇臣

而任之臣亦擇君而事之

有道順命

君有道則

無道衡命

衡橫也謂

不受其命而

蓋晏平仲之行也

蹈忠而行信終日言不在尤之

內過

國無道處賤不悶

貧而能樂

蓋老萊子之行也

易行以

俟天命

治居下不援其上

雖在下位不攀援其上以求進

其親觀於四方也不

忘其親不盡其樂

雖有觀四方之樂常念其親不盡其歸之以不能則學不為已終

身之憂

凡憂憂所知不能則學何憂之有

蓋介子山之行也

子言曰敢問夫子

之所知者

蓋盡於此而已乎孔子曰何謂其然亦畧舉耳目之所及而已

昔晉平公問祁奚

曰羊舌大夫晉之良大夫也

其行如何

祁奚辭以不知

公曰吾聞子少長平

其所於其今子掩之

何也

祁奚對曰其少也恭而順心有恥而不使其過宿

心常有

所恥惡

所恥惡

所恥惡

及其有過不令更宿輒改其為大夫善而謙其端盡善道而謙讓是其正也其為與尉

也信而好直其功言其功直於其為容也温良而好禮博聞而時

出其志時出以其出之志未及之是其志也公曰曩者問子子笑曰不知也邾奚

曰每位改變未知所止是以不敢得知也此又羊舌大夫之行

也子貢跪曰請退而記之

### 賢君第十三

哀公問於孔子曰當今之君孰為最賢孔子對曰丘未之見也

抑有衛靈公乎公曰吾聞其闔門之內無別而子次之賢何也

孔子曰臣語其朝廷行與不論其私家之隱也公曰其事何如

孔子對曰靈公之弟曰公子渠牟其智足以治子乘其信足以

守之靈公愛而任之又有士曰林國者見賢必進之而退與分

其祿是以靈公無遊放之士靈公賢而尊之又有士曰慶足者

衛國有大事則必起而言其所以退之國無事則退而容賢者欲以容賢

於靈公悅而敬之又有人夫史緡以道去衛而靈公郊舍三日

琴瑟不御必待史緡之入而後敢入臣以此取之雖次之賢不

亦可乎子貢問於孔子曰今之人臣孰為賢子曰吾未識也往

者齊有鮑叔鄭有子皮則賢者矣子貢曰齊無管仲鄭無子產

子曰賜汝徒知其一未知其二也汝聞用力為賢乎進賢為賢

乎子貢曰進賢賢哉子曰然吾聞鮑叔達管仲子皮達子產未

聞二子之達賢已之才者也哀公問於孔子曰寡人聞忘之甚

者徒而忘其妻有諸孔子對曰此猶未甚者也甚者乃忘其身

公曰可得而聞乎孔子曰盲者夏桀貴為天子富有四海忘其

聖祖之道壞其典法廢其世祀荒于淫樂耽湎于酒伎臣諂讓

窺導其心忠士折口逃罪不言折山天下誅桀而有其國此謂

忘其身之甚矣顏淵將西遊於宋問於孔子曰何以爲身子曰

恭敬忠信而已矣恭則遠於患敬則人愛之忠則和於衆信則

人任之勤斯四者可以政國豈特一身者哉特故夫不比於數

而比於疎不亦遠乎不比親數近疎遠也不修其中而修外者不亦反乎

慮不先定臨事而謀不亦晚乎孔子讀詩于正月六章惕然如

懼曰彼不達之君子豈不殆哉從上依世則道廢違上離俗則

身危時不興善已獨出之則曰非妖即妄也故賢也既不遇天

恐不終其命焉無殺龍逢殺比干皆是類也詩曰謂天蓋高

不敢不局謂地蓋厚不敢不踣此正月六章之辭也局曲也言天至高已不敢不曲身危行恐

孔子之言  
卷二  
汲古閣

上觸忌諱也。踣累足也。言地至厚已。此言上下畏罪無所自容。不敢不累足懼陷累在位之羅網也。  
 也。子路問於孔子曰：賢者治國所先者何？孔子曰：在於尊賢而賤不肖。子路曰：由聞晉中行氏尊賢而賤不肖矣，其亡何也？孔子曰：中行氏尊賢而不能用，賤不肖而不能去，賢者知其不用而怨之，不肖者知其必已賤而讐之，怨讐並存於國，鄰敵構兵於郊，中行氏雖欲無亡，豈可得乎？孔子閒處喟然而歎曰：嚮使銅鞮伯華無死，則天下其有定矣。子路曰：由願聞其人也。子曰：其幼也敏而好學，其壯也有勇而不屈，其老也有道能下人。有此三者以定天下也，何難乎哉？子路曰：幼而好學，壯而有勇，則可也；若夫有道下人，又誰下哉？子曰：由不知吾聞以衆攻寡，無不剋也。以貴下賤，無不得也。昔者周公居家宰之尊，制天下之

政而猶下白屋之士也草屋也曰元百七十人斯豈以無道也欲得

士之用也惡有有道而無下下君子哉齊景公來適魯舍于

公館使晏嬰迎孔子孔子至景公問政焉孔子荅曰政在節財

公悅又問曰秦穆公國小處地而霸何也孔子曰其國雖小其

志大處雖僻而其政中其舉也果其謀也和法無私而令不愉

愉宜為偷偷苟且也首拔五叛爵之大大首宜為身五叛與語三日而授

之以政此取之雖王可其霸少矣景公曰善哉哀公問政於孔

子孔子對曰政之急者莫大乎使民富且壽也公曰為之奈何

孔子曰省力役薄賦斂則民富矣敦禮教遠罪疾則民壽矣公

曰寡人欲行夫子之言恐吾國貧矣孔子曰詩云愷悌君子民

之父母未有子富而父母貧貧也衛靈公問於孔子曰有語寡

人有國家者計之於廟堂之上則政治矣何如孔子曰其可也  
 愛人者則人愛之惡人者則人惡之知得之已者則知得之人  
 所謂不出環堵之室而知天下者知及已之謂也孔子見宋君  
 君問孔子曰吾欲使長有國而列都得之國之列都皆得其道吾欲使民  
 無惑吾欲使士竭力吾欲使日月當時吾欲使聖人自來吾欲  
 使官府治理為之奈何孔子對曰千乘之君問丘者多矣而未  
 有若王君之問問之悉也王君所欲者盡可得也丘聞之鄰  
 國相親則長有國君惠臣忠則鄰國都國得之不殺無辜無釋罪人  
 則民不惑士益之祿則皆竭無天敬鬼則日月當時崇道貴  
 德則聖人自來任能黜否則官府治理宋君曰善哉豈不然乎  
 寡人不佞不足以致此孔子曰此事非難唯欲行之云耳

辯政第十四

子貢問於孔子曰昔者齊君問政於夫子夫子曰政在節財魯

君問政於夫子夫子曰政在諭臣葉公問政於夫子夫子曰政

在悅近而來遠三者之問一也而夫子應之不同然政在異端

乎孔子曰各因其事也齊君為國奢平臺榭淫于苑囿五官伎

樂不懈於時一旦而賜人以千乘之家者三故曰政在節財魯

君有臣三人孟孫叔孫季孫三人內比周以愚其君外距諸侯之賓以蔽

其明故曰政在諭臣夫荆之地廣而都狹民有離心莫安其居

故曰政在悅近而來遠此三者所以為政殊矣詩云喪亂蔑資

曾不惠我師重厚也資財也此傷奢後

不節以為亂者也又曰匪其止其惟王之止息也叩叩病也不其不其所止息故

孔子曰吾卷三 汲古閣

惟王此傷矣臣蔽王以為亂也又曰亂懼瘼矣奚其適歸也瘼憂病也言隱散以成憂境屬亂於斯歸於禍亂者也此傷離散以為亂者也察此三者政

之所欲豈同乎哉孔子曰忠臣之諫君有五義焉一曰諂諫正

事以厥諫其君二曰慤諫慤諫無文飾也三曰降諫降其體所以諫也四曰直諫五曰

諷諫唯度王而行之吾從其諷諫乎風誦依違遠罪遊言者也子曰夫道不

可不貴也中行文子倍道失義以亡其國而能禮賢以活其身

此說背義失道不宜說得道之意而天禮賢不與上相次配又文子無禮賢之事中行文子得罪於晉出亡至邊從者曰謂此

齋夫者君子也故休焉待駭者文子曰吾好音子遺吾琴好耶子遺吾玉是以不張吾過自容於我者也吾恐其以我求容也

遂不入市人問文子之所言獲而不殺之孔子問之曰文子倍道失義以亡其國然得之由活其身而能禮賢以為宜以然後

也聖人轉禍為福此謂是與若入將死不入得楚王將遊荆楚

司馬子祺諫王怒之令尹子西賀於殿下諫曰今荆臺之觀不

可失也王吾捐子西之背曰與子共樂之矣子西步馬十里引  
轡而止曰臣願言有道王肯聽之乎王曰子其言之子西曰臣  
聞爲人臣而忠其君者爵祿不足以賞也諛其君者刑罰不足  
以誅也夫子祺者忠臣也而臣者諛臣也願王賞忠而誅諛焉  
王曰今我聽司馬之諫是獨能禁我耳若後世遊之可也子西  
曰禁後世易耳大王萬歲之後起山陵於荆臺之上則子孫必  
不忍遊於父祖之墓以爲歡樂也王曰善乃還孔子聞之曰至  
哉子西之諫也入之於千里之上抑之於百世之後者也子貢  
問於孔子曰夫子之於子產晏子可爲至矣敢問二大夫之所  
爲曰夫子之所以與之者孔子曰夫子產於民爲惠王於學爲  
博物晏子於君爲忠臣於行爲恭敏故吾皆以兄事之而加愛

敬齊有一足之鳥。飛集於公朝。下止於殿前。舒翅而跳。齊侯大怪之。使使聘魯。問孔子。孔子曰。此鳥名曰商羊。水祥也。昔童兒有屈其一腳。振訊兩肩而跳。且語曰。天將大雨。商羊鼓舞。今齊有之。其應至矣。急告民。趨治溝渠。修隄防。將有大水。爲災。頃之大霖雨。水溢泛。諸國傷害民人。唯齊有備。不敗。景公曰。聖人之言。信而有徵矣。孔子謂宓子賤曰。子治魯。父衆悅。子何施而得之也。子語丘所以爲之者。對曰。不齊之治也。父恤其子。其子恤諸孤而哀喪。紀孔子曰。善小節也。小民附矣。猶未足也。曰。不齊所父事者。三人所兄事者。五人所友事者。十一人。孔子曰。父事三人。可以教孝矣。兄事五人。可以教悌矣。友事十一人。可以舉善矣。中節也。中人附矣。猶未足也。曰。此地民有賢於不齊者。五

人不齊事之而稟度焉皆教不齊之道孔子歎曰其大者乃於此乎有矣昔堯舜聽天下務求賢以自輔夫賢者百福之宗也神明之主也惜乎不齊之所以治者小也子貢爲信陽宰將行辭於孔子孔子曰勤之慎之奉天子之時無奪無伐無暴無盜子貢曰賜也少而事君子豈以盜爲累哉孔子曰汝未之詳也夫以賢代賢是謂之奪以不肖代賢是謂之伐緩令急誅是謂之暴取善自與是謂之盜盜非竊財之謂也吾聞之知爲吏者奉法以利民不知爲吏者枉法以侵民此怨之所由也治官莫若平臨財莫如廉廉平之守不可改也匿人之善斯謂蔽賢揚人之惡斯爲小人內不相訓而外相誇非親睦也言人之善若已有之言人之惡若已受之故君子無所不慎焉子路治蒲三

年孔子過之入其境曰善哉由也恭敬以信矣入其邑曰善哉  
由也忠信而寬矣至庭曰善哉由也明察以斷矣子貢執轡而  
問曰夫子未見由之政而三稱其善其善可得聞乎孔子曰吾  
見其政矣入其境田疇盡易草萊甚辟溝洫深治此其恭敬以  
信故其民盡力也入其邑牆屋完固樹木甚茂此其忠信以寬  
故其民不偷也至其庭庭甚清閑諸下用命此其言明察以斷  
故其政不擾也以此觀之雖三稱其善庸盡其美矣

孔子家語卷四

王肅注

六本第十五

孔子曰行己六本焉然後為君子也立身有義矣而孝為本

喪紀有禮矣而哀為本戰陣有列矣而勇為本治政有理矣而

農為本居國有道矣而問為本則亂之萌生財有時矣而力為

本置本不固無務農桑親戚不悅無務外交事不終始無務多

業記聞而言無務多說但記所聞而言言不出說中故不可以務多說比近不安無務

求遠是故反本修迹君子之道也孔子曰良藥苦於口而利於

病忠言逆於耳而利於行湯武以謬謬而昌桀紂以唯唯而亡

君無爭臣父無爭子兄無爭弟士無爭友無其過者未之有也

故曰君失之臣得之父失之子得之兄失之弟得之已失之友

得之是以國無危亡之兆家無悖亂之惡父子兄弟無失而交  
 交無絕也孔子見齊景公公悅焉請置粟丘之邑以爲養孔子  
 辭而不受人謂弟子曰吾聞君子當功受賞今吾言於齊君君  
 未之有行而賜吾邑其不知丘亦甚矣於是遂行孔子在齊舍  
 於外館景公造焉賓之辭既接而左右白曰周使適至言先  
 王廟災景公復問災何王之廟也孔子曰此必釐王之廟公曰  
 何以知之孔子曰詩云皇皇上天其命不忒天之以善必報其  
 德此逸詩也皇皇美貌也忒差也禍亦如之天釐王變文武之制而作元黃華  
 麗之飾宮室崇峻輿馬奢侈而弗可振也振救故天殃所宜加其  
 廟焉以是占之爲然公曰天何不殃其身而加罰其廟也孔子  
 曰蓋以文武故也若其身則文武之嗣無乃殄乎故當殃其

廟以彰其過儀頃左右曰所災者釐王廟也景公驚起再拜  
曰善哉聖之智過人遠矣子夏三年之喪畢見於孔子子曰與  
之琴使之絃侃侃而樂作而曰先王制禮不敢不及子曰君子  
也閔子三年之喪畢見於孔子子曰與之琴使之絃切切而悲  
作而曰先王制禮弗敢過也子曰君子也子貢曰閔子哀未盡  
夫子曰君子也子夏哀已盡又曰君子也二者殊情而俱曰君  
子賜也惑敢問之孔子曰閔子哀未忘能斷之以禮子夏哀已  
盡能引之及禮雖均之君子不亦可乎孔子曰無體之禮敬也  
無服之喪哀也無聲之樂歡也不言而信不動而威不施而仁  
志夫鐘之音怒而擊之則武憂而擊之則悲其志變者聲亦隨  
之故志誠感之通於金石而況入乎孔子見羅雀者所得皆黃

口小雀夫子問之曰大雀獨不得何也羅者曰大雀善驚而難得黃口貪食而易得黃口從大雀則不得大雀從黃口亦不得孔子顧謂弟子曰善驚以遠害利食而忘患自其心矣而獨以所從為禍福故君子慎其所從以長者之慮則有全身之階隨小者之輟而有危亡之敗也孔子讀易至於損益喟然而歎子夏避席問曰夫之何歎焉孔子曰夫自損者必有益之自益者必有決之易損卦次得益益次决决也損而不已必益故受之以决吾是以歎也子夏曰然則學者不可以益乎子曰非道益之謂也道彌益而身彌損夫學者損其自多以虛受人故能成其滿博也天道成而必變凡持滿而能久者未嘗有也故曰自賢者天下之善言不得聞於耳矣昔堯治天下之位猶允恭以持之克讓以

接下

克信也

是以千歲而益盛迄今而逾彰夏桀昆吾

昆吾與夏桀

作亂

自滿而無極亢意而不節斬刈黎民如草芥焉天下討之如

誅匹夫是以千載而惡著迄今而不滅滿也如在與遇三人則

下之遇二人則式之調其盈虛不令自滿所以能久也子夏曰

商請志之而終身奉行焉子路問於孔子曰請釋古之道而行

由之意可乎子曰不可昔東夷之子暮諸夏之禮有女而寡為

內私壻終身不嫁嫁則不嫁矣亦非貞節之義也蒼梧媯娶妻

而美讓與其兄讓則讓矣然非禮之讓也不慎其初而悔其後

何嗟及矣

言事至而後悔

今汝欲舍古之道行子之意庸知子

意不以是為非以非為是乎後雖欲悔難哉曾子耘瓜誤斬其

根曾皙怒建大杖以擊其背曾子仆地而不知人久之有頃乃

蘇欣然而起進於曾皙曰嚮也參得罪於大人大人用力教參  
得無疾乎退而就房援琴而歌欲令曾皙而聞之知其體康也  
孔子聞之而怒告門弟子曰參來勿內曾參自以爲無罪使人  
請於孔子子曰汝不聞乎昔瞽叟有子曰舜舜之事瞽叟欲使  
之未嘗不在於側索而殺之未嘗可得小棰則待過大杖則逃  
走故瞽叟不犯不父之罪而舜不失蒸蒸之孝今參事父委身  
以待暴怒殛而不避殛死既身死而陷父於不義其不孝孰大焉  
汝非天子之民也殺天子之民其罪奚若曾參聞之曰參罪大  
矣遂造孔子而謝過荆公子行年十五而攝荆相事孔子聞之  
使人往觀其爲政焉使者反曰視其朝清淨而少事其堂上有  
五老焉其廊下有二十壯士焉孔子曰合兩二十五之智以治

天下其固免矣況荆乎子夏問於孔子曰顏回之爲人奚若子

曰回之信賢於丘曰子貢之爲人奚若子曰賜之敏賢於丘曰

子路之爲人奚若子曰由之勇賢於丘曰子張之爲人奚若子

曰師之莊賢於丘子夏避席而問曰然則四子何爲事先生子

曰居吾語汝夫回能信而不能反反謂反信也君子言賜能敏

而不能詘言人雖辯敏亦由能勇而不能怯師能莊而不能同

言人雖矜莊亦兼四子者之有以易吾弗與也此其所以事吾

而弗貳也孔子遊於泰山見榮聲期聲宜爲敬或曰榮益期也行乎郕之野

鹿裘帶索鼓琴而歌孔子問曰先生所以爲樂者何也期對曰

吾樂甚多而至者三天生萬物唯人爲貴吾既得爲人是一樂

也男女之別男尊女卑故人以男爲貴吾既得爲男是二樂也

人生有不見日月不免殲祿者吾既以行年九十五矣是三樂也貧者士之常死者人之終處常得終當何憂哉孔子曰善哉

能自寬者也得宜為待孔子曰回有君子之道四焉強於行義弱於

受諫怵於待祿怵怵惕也待宜為持也慎於治身史鯀有君子之道三焉

不仕而敬上不祀而敬鬼直己而曲於人曾子侍曰參昔者常

聞夫子之三言而未之能行也夫子見人之一善而忘其百非

是夫子之易事也見人之有善若己有之是夫子之不爭也問

善必躬行之然後導之是夫子之能勞也學夫子之三言而未

能行以自知終不及二子者也二子顏回史鯀也孔子曰吾死之後則

商也日益賜也日損曾子曰何謂也子曰商也好與賢己者處

賜也好說不若己者不知其子視其父不知其人視其友不知

其君視其所使不知其地視其菹水故曰與善人居如入芝蘭  
之室久而不聞其香卽與之化矣與不善人居如入鮑魚之肆  
久而不聞其臭亦與之化矣丹之所藏者赤漆之所藏者黑是  
以君子必慎其所與處者焉曾子從孔子於齊齊景公以下卿  
之禮聘曾子曾子固辭將行晏子送之曰吾聞之君子遺人以  
財不若善言今夫蘭本三年湛之以鹿醢旣成噉之則易之匹  
馬非蘭之本性也所以湛者美矣願子詳其所湛者夫君子居  
必擇處遊必擇方仕必擇君擇君所以求仕擇方所以脩道遷  
風移俗嗜慾移性可不慎乎孔子聞之曰晏子之言君子哉依  
賢者固不困依富者固不窮馬駘斬足而復行何也以其輔之  
者衆孔子曰以富貴而下人何人不曰以富貴而愛人何人不

親發言不逆可謂知言矣言而眾響之可謂知時矣是故以富而能富人者欲貧不可得也以貴而能貴人者欲賤不可得也以達而能達人者欲窮不可得也孔子曰中人之情也有餘則侈不足則儉無禁則淫無度則逸從欲則敗是故鞭扑之子不從父之教刑戮之民不從君之令此言疾之難忍急之難行也故君子不急斷不急制使飲食有量衣服有節宮室有度畜積有數車器有限所以防亂之原也夫度量不可不明是中人所以由之令教令孔子曰巧而好度必攻攻勇而好問必勝智而好謀必成以愚者反之是以非其人告之弗聽非其地樹之弗生得其人如聚砂而雨之言立人也非其人如會擊而鼓之夫處重擅寵專事妒賢愚者之情也位高則危任重則崩可立而待孔子

曰舟非水不行水入舟則沒君非民不治民犯上則傾是故君

子不可不嚴也小人不可不整一也齊高庭問於孔子曰庭不

曠山不直地庭高庭名也曠隔也不以山為隔踰山而來直宜為植不根於地不遠來也衣穰而提

贅穰蒿草衣提持贅所以執為禮也精氣以問事君子之道願夫子告之孔子

曰貞以幹之貞正以為幹植敬以輔之施仁無倦見君子則舉之見小

人則退之去汝惡心而忠與之効其行修其禮千里之外親如

兄弟行不効禮不修則對門不汝通矣夫終日言不遺已之憂

終日行不遺已之患唯智者能之故曰修者必恐懼以除患恭

儉以避難者也終身為善一言則敗之可不慎乎

辯物第十六

季桓子穿井獲如土缶其中有羊焉使使問於孔子曰吾穿井

於費而於井中得一狗何也孔子曰丘之所聞者羊也丘聞之

木石之怪夔蜩水之怪龍罔象土之怪犢羊也吳伐越噶會

稽吳王夫差敗越王勾踐棲於會稽吳人噶之會稽山也噶設也獲巨骨一節專車焉吳子使

來聘於魯且問之孔子命使者曰無以吾命也賓既將事乃發

幣於大夫及孔子賜大夫及孔子孔子爵之飲既徹俎而燕客執骨而

問曰敢問骨何如為大孔子曰丘聞之昔禹致羣臣於會稽之

山防風後至禹殺而戮之其骨專車焉此為大矣客曰敢問誰

守為神孔子曰山川之靈足以紀綱天下者其守為神守山川之神者

為神諸侯社稷之守為公侯守社稷無山川之神者為諸侯

侯皆屬於王神與公侯之屬也客曰防風何守孔子曰汪芒氏之君守

封嶠山者汪芒國名嶠山名為漆姓在虞商為汪芒氏於周為長翟

氏今日大人周之初及當孔子之時其名異也有容曰人長之極幾何孔子曰

焦僂氏長三尺短之至也長者不過于數之極也孔子在陳陳

惠公賓之於上館時有集集於陳侯之庭而死隼鳥也始集庭便死楛矢

貫之石弩楛木名弩箭也其長只有咫咫八寸也惠公使人持隼如孔子館

而問焉孔子曰隼之來遠矣此肅慎氏之矢肅慎氏之矢也昔武王克

商通道於九夷百蠻九夷東方九種百蠻夷狄百種使各以其方賄來貢而無

忘職業於是肅慎氏貢楛矢石弩其長只有咫先王欲昭其令

德之致遠物也以示後人使永鑒焉故銘其括曰肅慎氏貢楛

矢楛箭括也以分大姬配胡公而封諸陳大姬武王女胡公姬之後古者分同姓

以珍玉所以展親親也分異姓以遠方之職貢所以無忘服也

故分陳以肅慎氏貢焉君若使有司求諸故府其可得也公使

人求得之金贖如之也贖置也 郊子朝魯魯人問曰少皓氏以鳥名

官何也魯人叔孫詒子少昊金天氏也 對曰吾祖也我知之昔黃帝以雲紀官

故為雲師而雲名黃帝軒轅氏師長也雲紀其官長而為官名者也 炎帝以火神農氏也 共

工以水其工壩九州也 太昊以龍包犧氏也 其義一也火師而火名也龍師而龍名也 我高

祖少皓擊之立也鳳鳥適至是以紀之於鳥故為鳥師而鳥名

自顓頊氏以來不能紀遠乃紀於近為民師而命以民事則不

能故也言不能紀遠方 孔子聞之遂見郊子而學焉既而告人曰吾聞

之天子失官學在四夷猶信郊小國也故吳伐郊季文子歎曰中國不振旅蠻夷入伐吾亡無日

矣孔子稱官學在四夷疾時之廢學也郊少昊之後以其世則遠矣以其國則小矣魯公之後以其世則近矣以其國則大矣

然其知禮不若郊子故孔子發此言疾時之不學也 邾隱公朝于魯子貢觀焉子貢時為魯大夫也

邾子執玉高其容仰定公受玉卑其容俯玉所以聘于王 子貢曰以禮

觀之二君者將有死亡焉夫禮生死存亡之體將左右周旋進

退俯仰於是乎取之朝祀喪戎於是乎觀之今正月相朝而皆

不度不得其法度也心以亡矣嘉事不體朝聘亦嘉事也何以能久高

仰驕也卑俯替也驕近亂替近疾君為主其先亡乎夏五月公

薨又邾子出奔孔子曰賜不幸而言中是賜多言孔子在陳陳

侯就之燕焉子遊行路之人云魯司鐸災司鐸官名及宗廟以告孔

子子曰所及者其桓僖之廟桓公僖公陳侯曰何以知之子曰禮祖

有功而宗有德故不毀其廟焉今桓僖之親盡矣又功德不足

以存其廟而魯不毀是以天災加之三日魯使至問焉則桓僖

也陳侯謂子貢曰吾乃今知聖人之可貴對曰君之知之可矣

未若專其道而行其化之善也陽虎既奔齊自齊奔晉適趙氏

禮記卷之六十四 哀公十四年春西狩於野而獲麟

孔子聞之謂子路曰趙氏其世有亂乎子路曰權不在焉豈能  
 為亂孔子曰非汝所知夫陽虎親富而不親仁有寵於季孫又  
 將殺之不克而奔求容於齊齊人囚之乃亡歸晉是齊魯二國  
 已去其疾趙簡子好利而多信必溺其說而從其謀禍敗所終  
 非一世可知也季康子問於孔子曰今周十二月夏之十月而  
 猶有蝻何也孔子對曰丘聞之火伏而後蟄者畢火大火心星也蟄蟄虫也  
 今火猶西流司歷過也季康子曰所失者幾月也孔子曰於夏  
 十月火既沒矣今火見再失閏也吳王夫差將與哀公見晉侯  
吳子魯哀公十二年子服景伯對使者曰王合諸侯則伯率侯  
與晉侯會于黃池伯合諸侯則侯率子男以見於伯伯侯  
 牧以見於王伯王官侯伯合諸侯則侯率子男以見於伯伯侯  
 今諸侯會而君與寡君見晉君則晉成爲伯矣且執事以伯名

諸侯而以侯終之何利之有焉吳人乃止既而悔之遂囚景伯

伯謂太宰嚭曰魯將以十月上辛有事於上帝先王季辛而畢

有事祭所以欺吳也何也世有職焉何景伯名自襄已來未之改也襄魯襄公是也若

其不會祝宗將曰吳實然嚭言於夫差歸之子貢聞之見於孔

子曰子服氏之子拙於說矣以實獲囚以詐得免孔子曰吳子

為夷德可欺而不可以實是聽者之蔽非說者之拙 叔孫氏

之車士曰子鉏商車士持車者子姓也鉏商名採薪於大野春秋經魯哀公十四年西狩獲麟傳曰西狩大野今此曰採薪於大野時實自狩鉏商非獲麟

狩者採薪西獲麟瑞物時見狩獲故經書西狩獲麟也焉折其前左足載以歸叔孫以為不祥棄之於郭外傳曰以賜

郭外將以賜虞人也使人告孔子曰有麇而角者何也孔子往觀之曰麟

也胡為來哉胡為來哉反袂拭面涕泣沾衿叔孫聞之然後取

也

孔子

之子貢問曰夫子何泣爾孔子曰麟之至為明王也出非其時而見害吾是以傷焉

哀公問政第十七

哀公問政於孔子孔子對曰文武之政布在方策方板其人存則

其政舉其人亡則其政息天道敏生人道敏政地道敏樹夫政

者猶蒲盧也蒲盧蟻也謂土蜂也取蟻蛉而化之以為子為政化百姓亦如之者也待化以成故

為政在於得人取人以身脩道以仁仁者入也親親為大義者

宜也尊賢為大親親之殺尊賢之等禮所以生也禮者政之本

也是以君子不可以不脩身思脩身不可以不事親思事親不

可以不知人思知人不可以不知天下之遠道有五其所以

行之者三曰君臣也父子也夫婦也昆弟也朋友也五者天下

之達道智仁勇三者天下之達德也所以行之者一也或生而  
知之或學而知之或困而知之及其知之一也或安而行之或  
利而行之或勉強而行之及其成功一也公日子之言美矣至  
矣寡人實固不足以成之也孔子曰好學近乎智力行近乎仁  
知恥近乎勇知斯三者則知所以脩身知所以脩身則知所以  
治人知所以治人則能成天下國家者矣公曰政其盡此而已  
子孔子曰凡爲天下國家有九經曰脩身也尊賢也親親也敬  
大臣也體羣臣也重庶民也來百工也柔遠人也懷諸侯也夫  
脩身則道立尊賢則不惑親親則諸父兄弟不怨敬大臣則不  
眩體羣臣則士之報禮重重庶民則百姓勸來百工則財用足  
柔遠人則四方歸之懷諸侯則天下畏之公曰爲之奈何孔子

曰齋絜盛服非禮不動所以修身也去讒遠色賤利而貴德所以尊賢也爵其能重其祿同其好惡所以篤親親也官盛任使

所以敬大臣也盛其官委任使之也忠信重祿所以勸士也忠信者與時之重祿也

使薄斂所以子百姓也日省月考餼廩稱事所以來百工也餼廩

食之多福稱其事也送往迎來嘉善而矜不能所以綏遠人也繼絕世舉

廢邦治亂持危朝聘以時厚往而薄來所以懷諸侯也治天下

國家有九經其所以行之者一也凡事豫則立不豫則廢言前

定則不跲躓事前定則不困行前定則不疾道前定則不窮在

下位不獲于上民弗可得而治矣獲于上有道不信于友不獲

于上矣信于友有道不順于親不信于友矣順于親有道反諸

身不誠不順于親矣誠身有道不明于善不誠于身矣誠者天

之道也誠之者人之道也夫誠弗勉而中不思而得從容中道  
聖人之所以定體也誠之者擇善而固執之者也公曰子之教  
寡人備矣敢問行之所始孔子曰立愛自親始教民睦也立敬  
自長始教民順也教之慈睦而民貴有親教以敬而民貴用命  
民既孝於親又順以聽命措諸天下無所不可公曰寡人既得  
聞此言也懼不能果行而獲罪咎幸我問於孔子曰吾聞鬼神  
之名而不知所謂敢問焉孔子曰人生有氣有魄氣者神之盛  
也精氣者人神之盛也衆生必死死必歸土此謂鬼魂氣歸天此謂神合  
鬼與神而享之教之至也合神鬼而事之者孝道之至孝者教之所由生也骨肉蟻於  
下化爲野土其氣揚於上此神之著也聖人因物之精制爲之  
極極中制明命鬼神以爲民之則明命猶尊名使民事其祖禰也而猶以是爲

未足也故築爲宮室設爲宗祧宗宗廟也祧遠廟也天子特春

秋祭祀以別親疎教民反古復始不敢忘其所由生也衆之服

自此故聽且速焉聽謂慎也教以二端二端既立報以二禮二端謂氣

魄也二禮謂薦黍稷也建設朝事薦腥也燔燎羶膻所以報氣也謂以蕭光

合種香也薦黍稷所謂饋食脩肺肝加以鬱鬯所以報魄也鬱香草也此教

民脩本反始崇愛上下用情禮之至也民能不忘其所由生然後能相愛也上下謂尊卑

與用情謂親也君子反古復始不忘其所由生是以致其敬發其情竭

力從事不敢不自盡也此之謂大教昔者文王之祭也事死如

事生思死而不欲生忌日則必哀稱諱則如見親祀之忠也思

之深如見親之所愛祭欲見親之顏色者其唯文王與詩云明

發不寐有懷二人則文王之謂與假此詩以喻文王謂父母也祭之明已

明發不寐有懷二人敬而致之又從而思之祭之日樂與哀半  
饗之必樂已至必哀已至謂祭事已畢孝子之情也文王爲能  
得之矣

珠璣圖書  
ZHUJING LIBRARY

三  
卷四




諸  
ZHUJI LIBRARY  
書  
館



諸暨圖書館  
— ZHUJI LIBRARY —



諸暨圖書館  
— ZHUJI LIBRARY —



家

語

諸暨圖書  
— ZHUJI LIBRARY

諸暨圖書館  
ZHUJI LIBRARY

